



ՀԵՌՈՒՍԱՏԵՍՈՒԹՅԱՆ ԵՎ ՌԱԴԻՈՅԻ ՀԱՆՁՆԱԺՈՂՈՎ

ՈՐՈՇՈՒՄ

07 հուլիսի 2023 թվականի թիվ 65-Ա

ք.Երևան

«ՄԵԳԱՆԵՏ ԷՅՉ ԴԻ» ՍՊ ԸՆԿԵՐՈՒԹՅԱՆ ՆԿԱՏՄԱՄԲ ՎԱՐՉԱԿԱՆ ՏՈՒՅԺ
ԿԻՐԱՌԵԼՈՒ ՄԱՍԻՆ

Հեռուստատեսության և ռադիոյի հանձնաժողովն (այսուհետ նաև՝ Հանձնաժողով) ուսումնասիրելով 2023 թվականի հունիսի 9-ին, իր նախաձեռնությամբ հարուցված թիվ 26 վարչական վարույթի նյութերը՝ պարզեց.

Հանձնաժողովի կողմից «Տեսալսողական մեդիայի մասին» օրենքով (այսուհետ նաև՝ Օրենք) իրեն վերապահված վերահսկողական գործառույթներն իրականացնելիս արձանագրվել է «ՄԵԳԱՆԵՏ ԷՅՉ ԴԻ» ՍՊ ընկերության (այսուհետ նաև՝ ցանցային օպերատոր) կողմից վերահաղորդվող տեսալսողական ծրագրերի ընթացքում Օրենքի 49-րդ հոդվածի 1-ին և 5-րդ մասերի դրույթների պահանջների խախտման փաստ:

Հանձնաժողովը ղեկավարվելով «Վարչարարության հիմունքների և վարչական վարույթի մասին» օրենքի 30-րդ հոդվածի 1-ին մասի «բ» կետով, 2023 թվականի հունիսի 9-ին ցանցային օպերատորի նկատմամբ հարուցել է վարչական վարույթ՝ հիմք ընդունելով Հանձնաժողովի նախագահի 2023 թվականի հունիսի 1-ի թիվ 21-Ա հրամանի համաձայն օպերատորների գործունեության տեղում դիտարկման արդյունքների վերաբերյալ 2023 թվականի հունիսի 6-ին կազմված արձանագրությունը, որն Օրենքի 42-րդ հոդվածի 18-րդ մասի համաձայն հիմք է հանդիսանում վարչական վարույթ հարուցելու համար, իսկ հարուցված վարչական վարույթի շրջանակներում ծառայում է որպես վարչական վարույթի ապացույց:

Վերը նշված արձանագրությանը ծանոթացել և այն տեղում ստորագրել է ցանցային օպերատորի ներկայացուցիչ՝ «ՄԵԳԱՆԵՏ ԷՅՉ ԴԻ» ՍՊ ընկերության տնօրեն Ն.Մալինցյանը և արձանագրության վերաբերյալ առարկություններ չի հայտնել:

Հանձնաժողովի ծրագրերի մոնիտորինգի և վերահսկողության վարչության կողմից իրականացվել է նաև «ՄԵԳԱՆԵՏ ԷՅՉ ԴԻ» ՍՊ ընկերության գործունեության մշտադիտարկման արդյունքների արձանագրությունում նշված վերահաղորդվող տեսալսողական ծրագրերի և ցանցային օպերատորի կողմից 2023 թվականի մարտի 20-ին

Հանձնաժողով ներկայացված վերահաղորդվող տեսալսողական ծրագրերի **ցանկի համադրություն**, որի արդյունքում պարզվել է հետևյալը.

«ՄԵԳԱՆԵՏ ԷՅՁ ԴԻ» ՍՊ ընկերության կողմից ներկայացված վերահաղորդվող տեսալսողական ծրագրերի ցանկում, բացի փաստացի վերահաղորդվող ծրագրերից, առկա են նաև՝ «Карусель International», «Дом кино», «O!», «Мужской», «Ваш Успех», «Русская ночь», «Живи!», «СуперГерой», «ММА-TV.COM», «Глазами туриста 4K», «Baby TV», «VH1 European» և «Nick Jr.» տեսալսողական ծրագրերը, որոնք արձանագրություն կազմելու պահին չեն վերահաղորդվել, ինչն արգելված չէ օրենքով և չի խախտում այլոց իրավունքները:

Միաժամանակ պարզվել է, որ «ՄԵԳԱՆԵՏ ԷՅՁ ԴԻ» ՍՊ ընկերության կողմից ներկայացված վերահաղորդվող տեսալսողական ծրագրերի ցանկում առկա չեն «С1», «Շողակաթ», «Արմենիա TV» «Շանթ», «ATV» «Կենտրոն», «Երկիր Մեդիա», «Ֆրի Նյուզ», «Նուռ», «Արցախ TV», «Նոր Հայաստան», «5-րդ ալիք», «21 TV», «Առաջին լրատվական», «PLANETA RTR», «Россия К», «Мир 24», «5-րդ +», «С 2», «Россия 1», «НТВ мир», «НТВ HD», «СТС», «Домашний», «Домашний женский», «Русский роман», «Русский Бестселлер», «Русский детектив», «Мир сериала», «TV 1000 русское», «vijuTV 1000 action», «TV 1000 viju», «Star family», «Star cinema», «XXL», «5-ый канал Петербург», «Любимое кино», «ABN», «SHANT premium», «viju + megahit», «viju + premier», «viju + comedy», «viju + serial», «Рен ТВ», «Cinema», «red», «Կինոման TV», «Լայֆ Հաք», «Բազմոց TV», «FILM (НВОТВ)», «Ազատություն TV», «Девятая волна», «РБК», «black», «КМ (Конный мир)», «SHANT serial», «Кино ТВ», «Перец», «НТВ», «Боец», «8 канал», «Индия», «Детский мир», «Солнце», «SHANT kids», «Խաղալիք», «Da Vinci», «Арена», «ani», «Мульти ландия», «Лёва», «С», «viju Natura», «viju + sport», «RTG TV», «viju Explore», «viju History», «Start World», «Start Air», «Gagsnetwork», «Че!», «Охота и рыбалка», «Зоопарк», «sci-fi», «Звезда», «Дикий. Охота и рыбалка», «#Кто куда», «Точка отрыва», «Жара TV», «Матч! Сртана», «Океан TV», «viju + planet», «Shop&show», «Мама», «Թավա TV», «Ֆորտունա», «Յայգ», «Союз», «Top secret», «Большая Азия», «Շանթ Գլոմրի», «Чопчաք TV», «Ֆիրենց», «Дикая рыбалка HD», «Дикая охота HD», «Енисей», «Դելտա TV», «НТВ сериал», «Հայ TV», «НТВ стиль», «Galaxy», «НТВ право», «Еврокино», «СТС kids», «Перерыв», «Диалог о рыбалке», «Bridge русский хит», «O!2», «stingray iConcerts», «Մուզոն», «SHant music», «Муз», «Europa plus», «Classic music», «Мульт музыка», «Bridge», «Bridge classic», «Шансон ТВ», «stingray cmusic», «Ru TV», «НТВ хит», «СТС love», «Ювелирочка», «Авто 24», «Fashion TV», «EX (экстрим спорт)», «Матч премьер» և «Матч!» տեսալսողական ծրագրերը, որոնք փաստացի վերահաղորդվել են արձանագրությունը կազմելու պահին:

Վերոնշյալը պարունակում է **Օրենքի 49-րդ հոդվածի 1-ին և 5-րդ մասերով** սահմանված պահանջների խախտման հատկանիշներ, այն է՝

«1. Հայաստանի Հանրապետության տարածքում և նրա սահմաններից դուրս գործող Հեռարձակողների տեսալսողական ծրագրերը ցանցային օպերատորի լիցենզիա ստացած անձի կողմից կարող են վերահաղորդվել տեսալսողական ծրագրերի դիստրիբյուտորի կամ հեռարձակողի հետ պայմանագրի հիման վրա:

5. Վերահաղորդվող տեսալսողական ծրագրերի յուրաքանչյուր փոփոխության վերաբերյալ ցանցային օպերատորը տեղեկացնում է կարգավորող պետական մարմնին:»

Հանձնաժողովը հարուցված վարչական վարույթի մասին 2023 թվականի հունիսի 9-ին, թիվ Ե/07/324-23 գրությամբ ծանուցել է ցանցային օպերատորին և հայտնել, որ այս հարցի վերաբերյալ կարող են ներկայացնել իրենց պարզաբանումները և բացատրությունները:

Ցանցային օպերատորը 2023 թվականի հունիսի 19-ին նշված գրության վերաբերյալ ներկայացրել է իր պարզաբանումներն ու բացատրությունները՝ հայտնելով, որ

Հանձնաժողովի կողմից արձանագրած վերը նշված տեսալսողական ծրագրերի վերահաղորդումը կրել է շուկայի փորձնական ուսումնասիրություն և որի վերաբերյալ Ընկերությունը հեռարձակողների հետ ձեռք է բերել բանավոր պայմանավորվածություններ: Նշել է, որ արդյունքը բավարար լինելու դեպքում դիստրիբյուտորի կամ հեռարձակողի հետ Ընկերությունը կկնքի օրենքով նախատեսված պայմանագրեր:

Ցանցային օպերատորը Կարգավորող պետական մարմին տեղեկություն չներկայացնելու վերաբերյալ հայտնել է, որ դա իրենց բացթողումն է՝ պարզաբանելով, որ տեղեկացված չեն եղել յուրաքանչյուր փոփոխության մասին հայտնելու վերաբերյալ Օրենքի այդ դրույթին: «ՄԵԳԱՆԵՏ ԷՅՁ ԴԻ» ՍՊ ընկերության տնօրենը նշել է, որ այդ ամենը ցանցային օպերատորի համար նոր գործառույթ է և խնդրել է ժամանակ տրամադրել ողջամիտ ժամկետում արձանագրված խախտումները վերացնելու համար:

Հանձնաժողովի հիմնավորումները (պատճառաբանությունը) և եզրահանգումը.

Այսպիսով, վարչական վարույթի բազմակողմանի, լրիվ և օբյեկտիվ քննությամբ, ձեռք բերված ապացույցների ուսումնասիրության և գնահատման արդյունքում Հանձնաժողովն ամրագրում է հետևյալը.

Օրենքի 2-րդ հոդվածի 1-ին մասը սահմանում է.

«Հայաստանի Հանրապետության տեսալսողական մեդիայի մասին օրենսդրությունը ներառում է Հայաստանի Հանրապետության Սահմանադրությունը, սույն օրենքը, «Զանգվածային լրատվության մասին», «Էլեկտրոնային հաղորդակցության մասին», «Հեղինակային իրավունքի և հարակից իրավունքների մասին», «Լեզվի մասին», «Գովազդի մասին» օրենքները, Հայաստանի Հանրապետության ընտրական օրենսգրքը, կարգավորող պետական մարմնի իրավական ակտերը, տեսալսողական մեդիայի ոլորտը կարգավորող այլ իրավական ակտեր և Հայաստանի Հանրապետության միջազգային պայմանագրերը:»

Օրենքի 32-րդ հոդվածի 1-ին մասի 14-րդ կետի համաձայն՝ Հանձնաժողովը իրականացնում է Հեռարձակողների և օպերատորների գործունեության մշտադիտարկում:

Օրենքի 42-րդ հոդվածի 1-ին մասի համաձայն՝ Հեռարձակողների գործունեության մշտադիտարկումն իրականացվում է ուղղակի դիտարկման, իսկ օպերատորի դեպքում՝ նաև տեղում դիտարկում իրականացնելու միջոցով, **իսկ նույն հոդվածի 8-րդ, 9-րդ և 11-րդ մասերը սահմանում են.**

«8. Մշտադիտարկման արդյունքներով կարգավորող պետական մարմնի ներկայացուցիչը մշտադիտարկման արդյունքների վերաբերյալ կազմում է արձանագրություն:

9. Մշտադիտարկման արդյունքների վերաբերյալ արձանագրության մեջ նշվում են մշտադիտարկման արդյունքների համառոտ շարադրանքը, ինչպես նաև վարչական վարույթ հարուցելու կամ հարուցված վարչական վարույթի համար էական նշանակություն ունեցող բոլոր փաստական հանգամանքները, այդ թվում՝ վարույթի մասնակիցների օգտին առկա հանգամանքները:

11. Մշտադիտարկման արդյունքների մասին արձանագրությունն ուղղակի դիտարկում իրականացնելու դեպքում ստորագրում է մշտադիտարկում իրականացրած անձը, **իսկ օպերատորի մոտ տեղում դիտարկում իրականացնելու դեպքում ստորագրում է կարգավորող պետական մարմնի և օպերատորի ներկայացուցիչը:»**

Օրենքի 49-րդ հոդվածի 1-ին և 5-րդ մասերի սահմանումով՝

«1. Հայաստանի Հանրապետության տարածքում և նրա սահմաններից դուրս գործող Հեռարձակողների տեսալսողական ծրագրերը ցանցային օպերատորի լիցենզիա ստացած անձի կողմից կարող են վերահաղորդվել տեսալսողական ծրագրերի դիստրիբյուտորի կամ հեռարձակողի հետ պայմանագրի հիման վրա:

5. Վերահաղորդող տեսալսողական ծրագրերի յուրաքանչյուր փոփոխության վերաբերյալ ցանցային օպերատորը տեղեկացնում է կարգավորող պետական մարմինն:»

Օրենքի 60-րդ հոդվածի 8-րդ մասի համաձայն՝ սույն օրենքն ուժի մեջ մտնելուց հետո ցանցային օպերատորները կարգավորող պետական մարմին տեղեկություն են ներկայացնում իրենց ցանցում վերահաղորդող տեսալսողական ծրագրերի մասին:

«Հեղինակային իրավունքի և հարակից իրավունքների մասին» օրենքի 39 հոդվածի 1-ին մասի համաձայն՝ Այլ անձինք ստեղծագործությունը կարող են օգտագործել միայն ստեղծագործության նկատմամբ գույքային իրավունքները կրող անձի (ստեղծագործության հեղինակ կամ այլ անձ, որին այդ իրավունքներն անցել են օրենքով սահմանված կարգով, այսուհետ՝ իրավատեր) թույլտվությամբ՝ հեղինակային պայմանագրի հիման վրա, եթե սույն օրենքով այլ բան նախատեսված չէ:

Նույն օրենքի 65 հոդվածի 1-ին մասի համաձայն՝ Սույն օրենքով պահպանվող ստեղծագործության կամ դրա էական մասի կամ հարակից իրավունքների օբյեկտի ցանկացած օգտագործում անօրինական է, եթե նախապես, մինչև նման օգտագործումը ձեռք չի բերվել հեղինակային իրավունքի կամ հարակից իրավունքների իրավատիրոջ թույլտվությունը:

Հիմք ընդունելով վերը նշված իրավական դրույթների պահանջները, Հանձնաժողովն ամրագրում է, որ ցանցային օպերատորը տեսալսողական ծրագրերը վերահաղորդելիս պարտավոր էր պահպանել Օրենքի առանձնահատկությունները սահմանող դրույթները:

Հանձնաժողովի կողմից ուսումնասիրվել է վարչական վարույթի վերաբերյալ ցանցային օպերատորի կողմից ներկայացված պարզաբանումներն ու փաստարկները, մասնավորապես, որ վերը նշված տեսալսողական ծրագրերի վերահաղորդումը կրել է փորձնական ուսումնասիրության բնույթ և որի վերաբերյալ ցանցային օպերատորը հեռարձակողների հետ ձեռք է բերել բանավոր պայմանավորվածություններ, և որ ուսումնասիրությունների բավարար լինելու դեպքում դիստրիբյուտորի հետ կկնքի պայմանագրեր: Նաև ցանցային օպերատորը նշել է, որ տեղեկացված չի եղել վերահաղորդող տեսալսողական ծրագրերի փոփոխության դեպքում Կարգավորող պետական մարմին տեղեկություն ներկայացնելու վերաբերյալ Օրենքի դրույթին:

Հարկ ենք համարում նշել, որ վերը նշված փաստարկները բավարար հիմք չեն կարող հանդիսանալ Հանձնաժողովի կողմից Օրենքի դրույթներով սահմանված իրավախախտումը չարձանագրելու և ցանցային օպերատորի նկատմամբ պատասխանատվություն չկիրառելու համար:

Փաստենք նաև, որ ցանցային օպերատորը 2022 թվականի հունիսի 22-ից հանդիսանում է Հանձնաժողովի կողմից լիցենզավորված իրավաբանական անձ և պարտավոր է պահպանել տեսալսողական մեդիայի բնագավառը կարգավորող օրենսդրության պահանջները, իսկ օրենքի դրույթները խախտելու դեպքում կրել պատասխանատվություն օրենքով սահմանված կարգով, ուստի օրենքի պահանջի չկատարումն ինքնին բերում է պատասխանատվության:

Յանցային օպերատորը պետք է հաշվի առնի, որ օրենքներով հստակ սահմանվում են իրավական նորմեր, որոնց չպահպանելը առաջացնում է իրավական հետևանքներ և ցանցային օպերատորը պատասխանատվություն է կրում տեսալսողական մեդիայի ոլորտը կարգավորող օրենսդրության կիրառման ապահովման համար և տվյալ դեպքում պարտավոր էր պահպանել **Օրենքի 49-րդ հոդվածի 1-ին և 5-րդ մասերով** սահմանված դրույթների պահանջները:

Այսպես, հիմք ընդունելով Օրենքի դրույթները և ձեռք բերված փաստերը՝ արձանագրում ենք.

«ՄԵԳԱՆԵՏ ԷՅՁ ԴԻ» ՍՊ ընկերության կողմից ներկայացված վերահաղորդվող տեսալսողական ծրագրերի ցանկում առկա չեն «Հ1», «Շողակաթ», «Արմենիա TV» «Շանթ», «ATV» «Կենտրոն», «Երկիր Մեդիա», «Ֆրի Նյուզ», «Նուռ», «Արցախ TV», «Նոր Հայաստան», «5-րդ ալիք», «21 TV», «Առաջին լրատվական», «PLANETA RTR», «Россия К», «Мир 24», «5-րդ +», «Հ 2», «Россия 1», «НТВ мир», «НТВ HD», «СТС», «Домашний», «Домашний женский», «Русский роман», «Русский Бестселлер», «Русский детектив», «Мир сериала», «TV 1000 русское», «vijuTV 1000 action», «TV 1000 viju», «Star family», «Star cinema», «XXL», «5-ый канал Петербург», «Любимое кино», «ABN», «ՇHANT premium», «viju + megahit», «viju + premier», «viju + comedy», «viju + serial», «Рен ТВ», «Cinema», «red», «Կինոման TV», «Լայֆ Հար», «Բազմոց TV», «FILM (НВОТV)», «Ազատություն TV», «Девятая волна», «РБК», «black», «КМ (Конный мир)», «SHANT serial», «Кино ТВ», «Перец», «НТВ», «Боец», «8 канал», «Индия», «Детский мир», «Солнце», «SHANT kids», «Խաղալիք», «Da Vinci», «Арена», «ani», «Мульти ландия», «Лёва», «С», «viju Natura», «viju + sport», «RTG TV», «viju Explore», «viju History», «Start World», «Start Air», «Gagsnetwork», «Че!», «Охота и рыбалка», «Зоопарк», «sci-fi», «Звезда», «Дикий. Охота и рыбалка», «#Кто куда», «Точка отрыва», «Жара TV», «Матч! Сртана», «Океан TV», «viju + planet», «Shop&show», «Мама», «Թավա TV», «Ֆորտունա», «Յայգ», «Союз», «Top secret», «Большая Азия», «Շանթ Գյումրի», «Կոտայք TV», «Ֆիթնես», «Дикая рыбалка HD», «Дикая охота HD», «Енисей», «Դելտա TV», «НТВ сериал», «Հայ TV», «НТВ стиль», «Galaxy», «НТВ право», «Еврокино», «СТС kids», «Перерыв», «Диалог о рыбалке», «Bridge русский хит», «O!2», «stingray iConcerts», «Մուզզոն», «SHant music», «Муз», «Europa plus», «Classic music», «Мульт музыка», «Bridge», «Bridge classic», «Шансон ТВ», «stingray smusic», «Ru TV», «НТВ хит», «СТС love», «Ювелирочка», «Авто 24», «Fashion TV», «EX (экстрим спорт)», «Матч премьер» և «Матч!» տեսալսողական ծրագրերը, որոնք փաստացի վերահաղորդվել են արձանագրությունը կազմելու պահին:

Փաստում ենք նաև, որ ցանցային օպերատորի ներկայացուցիչը ծանոթացել և տեղում ստորագրել է օպերատորների գործունեության դիտարկման արդյունքների հիման վրա 2023 թվականի հունիսի 6-ին կազմված մշտադիտարկման իրականացման և արդյունքների վերաբերյալ արձանագրությունը և դրա վերաբերյալ առարկություններ չի հայտնել:

Օրենքի 32-րդ հոդվածի 1-ին մասի 11-րդ կետի համաձայն՝ կարգավորող պետական մարմինը՝ Օրենքի խախտման կամ իր որոշումները չկատարելու դեպքում կիրառում է պատասխանատվության միջոցներ:

Օրենքի 55-րդ հոդվածի 1-ին մասի համաձայն՝ Կարգավորող պետական մարմնի կողմից տեսալսողական մեդիայի բնագավառը կարգավորող օրենսդրության պահանջների խախտման դեպքեր հայտնաբերվելու, ինչպես նաև պետական այլ մարմինների կողմից իրենց իրավասությունների շրջանակում տեսալսողական մեդիայի բնագավառը կարգավորող օրենսդրության պահանջների խախտման դեպքեր հայտնաբերվելու և դրանց

մասին կարգավորող պետական մարմինն գրավոր տեղեկացվելու դեպքում կարգավորող պետական մարմինը կիրառում է հետևյալ վարչական տույժերը.

1) գրավոր նախազգուշացում.

2) **տուգանք.**

3) հեղինակազորման կամ լիցենզիայի գործողության կասեցում.

4) հեղինակազորման կամ լիցենզիայի գործողության դադարեցում:

Օրենքի 57-րդ հոդվածի 6-րդ մասի համաձայն՝ Յանցային օպերատորի կողմից առանց պայմանագրի վերահաղորդում իրականացնելը՝

առաջացնում է տուգանքի նշանակում՝ Հասույթի 0.04 տոկոսի, բայց ոչ պակաս, քան սահմանված նվազագույն աշխատավարձի հիսնապատիկի չափով:

Այսպես, ելնելով վերոգրյալից և ղեկավարվելով «Տեսալսողական մեդիայի մասին» օրենքի 32-րդ հոդվածի 1-ին մասի 11-րդ կետով, 49-րդ հոդվածի 1-ին և 5-րդ մասերով, 55-րդ հոդվածի 1-ին մասի 2-րդ կետով, 60-րդ հոդվածի 8-րդ մասով, «Հեղինակային իրավունքի և հարակից իրավունքների մասին» օրենքի 39-րդ հոդվածի 1-ին և 65-րդ հոդվածի 1-ին մասերով և հիմք ընդունելով Օրենքի 57-րդ հոդվածի 6-րդ մասը՝ Հեռուստատեսության և ռադիոյի հանձնաժողովը.

ՈՐՈՇԵՑ

1. «ՄԵԳԱՆԵՏ ԷՅՁ ԴԻ» ՍՊ ընկերության նկատմամբ կիրառել «Տեսալսողական մեդիայի մասին» օրենքի 57-րդ հոդվածի 6-րդ մասով սահմանված վարչական տույժը, տուգանելով սահմանված 50000 (հիսուն հազար) ՀՀ դրամի չափով:

2. Յանցային օպերատորի կողմից վերահաղորդվող տեսալսողական ծրագրերի վերաբերյալ ցանկը Հանձնաժողով ներկայացնել 10-օրյա ժամկետում:

3. Սույն որոշումն ուժի մեջ է մտնում այն «ՄԵԳԱՆԵՏ ԷՅՁ ԴԻ» ՍՊ ընկերությանը պատշաճ ձևով հանձնելու օրվան հաջորդող օրվանից:

4. Սույն որոշումը կարող է բողոքարկվել ՀՀ վարչական դատարան՝ ուժի մեջ մտնելու օրվանից երկամսյա ժամկետում:

ՀԵՌՈՒՍՏԱՏԵՍՈՒԹՅԱՆ ԵՎ ՌԱԴԻՈՅԻ

ՀԱՆՁՆԱԺՈՂՈՎԻ ՆԱԽԱԳԱՀ

Տ.ՀԱԿՈԲՅԱՆ

07 հուլիսի 2023թ.

ք.Երևան